



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Bulla Cruciatæ Quoad Reservata

**urn:nbn:de:hbz:466:1-40647**

quez lib. 5. cap. 6. numero 2. in gloss. lit. E. & novissime Bossius de lubil. sect. 3. cas. 2. §. 2. num. 53. Quia nomine beneficii parochialis videntur comprehendi omnes, quibus, ratione dignitatis, vel officii, demandata est cura animarum, quales sunt Generales, Provinciales, & Priores, seu Guardiani. Idem enim Concilium admittit Parochos, quia illis commissa est animarum cura. Adde, quod Prælati Regulares ut plurimum sunt litteris, & moribus probatioribus plerisque secularibus habentibus beneficia curata. Et tandem Canonici pœnitentiarii, qui plerumque in Cathedralibus eliguntur contra Episcopi voluntatem, est eligibilis per Bullam, sine licentia Episcopi, quia eo ipso, quod eligitur in pœnitentiarium, ipso jure datur ipsi animarum cura; & tamen is non est propriè Parochos, nec Ordinarius, Prælati verò sic, p. 2. tr. 16. ref. 34. & p. 5. tr. 12. resol. 51.

Hoc privilegio eligendi Confessarium probabile est frui posse Regulares pro non reservatis.

28. Probabilius est opinio Rodriguez sum. tom. 3. cap. 7. num. 2. & DD. Salmanticensium, quod hoc privilegio Bullæ eligendi sibi Confessarium frui possint etiam Regulares. Nam ex præmio Bullæ Clement. VIII. constat, ejus mentem esse, quod Regulares virtute Bullæ non eligant sibi Confessarium pro absolutione reservatorum, non autem quod non eligant pro non reservatis. Sed nihilominus opinio negativa Lamas summ. par. 1. cap. 5. §. 8. & aliorum est communior, & probabilior, p. 1. tract. 11. resol. 14. An verò virtute Bullæ absolvi possint à reservatis cum Confessario ex approbatis in Ordine, vide infra num. 37.

Quid de Novitiis

29. Certum est autem, hoc privilegio frui posse novitios, etiam pro reservatis. Ita Ledesma tom. 1. de pœnit. c. 3. dub. 4. contra Vechium p. Novit. 9. dub. 5. num. 7. Qui addit: quod si Prælati aliquod Breve obtineant, ne eorum Religiosi virtute Jubilæi, vel alterius indulti, eligant Confessarium extraneum, hoc non obstante, possent novitii Confessarium eligere virtute Cruciatæ, p. 1. tr. 11. ref. 15.

Posita autem,

30. † Posita autem sententia Rodriguez Summa Diaria.

quez, vel etiam dato, quod Superior Regularis concedat ex suis subditis, ut virtute Bullæ eligat Confessarium, † tunc secundum Naldum sum. V. Indulgen. n. 9. eligere debet approbatum ab Ordinario, vel habentem beneficium parochiale, ut dictum est de secularibus. Sed contrariam sententiam tenet Valerius diff. utriusque fori V. Absolutio, diff. 1. nu. 33. ex eo, quod habetur in declaratione Clement. VIII. in omnibus spectantibus ad Confessionem Regularium standum esse dispositioni suorum Prælatorum, & aliis rationibus, Fernandez par. 3. c. 9. §. 8. num. 7. tam si eligatur Confessarius ejusdem, quam alterius Religionis, p. 3. tract. 2. resol. 21.

quod possint, an eligere debeant approbatum ab Ordinario

Res in ambiguo.

BYLLA CRUCIATÆ,  
Quoad reservata.

31. † Virtute Cruciatæ potest quis per Confessarium ut supra eligendum absolvi à casibus reservatis. Et quidem à reservatis Papæ semel in vita, & semel in morte, à reservatis autem Episcopo, toties, quoties. † Sed, quoniam casus Papales; cum sunt occulti, per Tridentinum facti sunt Episcopales, docet Sanchez summ. tom. 1. lib. 4. cap. 54. num. 2. & novissime Trullench in Bull. lib. 1. §. 7. cap. 7. dub. 6. num. 3. contra Henriquez lib. 6. c. 4. num. 7. & alios casus Papales occultos absolvi posse per Bullam toties quoties part. 1. tr. 11. resol. 28. & in Add. part. 3. resol. 17.

Secundum privilegium Bullæ est absolvi posse per Confessarium electum ut sup. à reservatis.

Episcopalis bus quidem, vel Papalibus occultis toties quoties: à Papalibus publicis semel in vita, & semel in morte.

32. Possunt etiam virtute Bullæ absolvi casus Bullæ Cœnæ, excepta hæresi. Vide V. Bulla Cœnæ, num. 30. Nomine autem hæresis secundum Ledesmam veniunt omnes casus positi in primo canone dictæ Bullæ. At secundum Sanchez, solum hæresis formalis. In qua sententia omnes alii casus per Bullam absolvi possunt. Utraque opinio est probabilis, p. 1. tract. 5. ref. 6. & tr. 11. ref. 29. Vide V. Absolvere, n. 79.

Absolvi autem possunt etiam casus Bullæ Cœnæ, excepta hæresi.

33. Per Bullam Cruciatæ absolvi possunt casus reservati, non solum ante, sed etiam post Bullæ susceptionem commissi. Quia verba Bullæ sunt generalia,

Etiam post Bullæ susceptionem commissi.

M & non

& non debeat restringi. Ita Sanchez summ. tom. 3. lib. 4. cap. 53. num. 26. & alii contra Sotum de iust. lib. 8. quest. 4. art. 3. part. 2. tr. 11. ref. 17.

Vel commissi  
ex fiducia  
Bulla.

34. Propter eandem rationem, absolvi possunt reservata commissi ob spem absolutionis Bullæ. Quia, ubi lex non distinguit, neque nos debemus distinguere; præsertim in gratiofis. Ita Filliuc. tom. 1. tr. 8. cap. 10. n. 262. contra Covarr. lib. 2. c. 2. n. 26. p. 1. tr. 11. ref. 16.

Qui in vali  
de absolvi  
tur à reser  
vatis per  
Bullam, pro  
babile est sol  
vi ab onere  
reservatio  
nis.

35. Qui facit scienter Confessionem in validam cum Confessario electo per Bullam obtinendo absolutionem à reservatis, secundum Villalobos tom. 1. tr. 27. claus. 9. §. 3. num. 16. non remanet liber ab onere reservationis, ita ut postea possit ab illis per quemcumque Confessarium absolvi. Quia Papa concedit absolutionem reservatorum pro lucranda Indulgentia, sed talis non lucratur Indulgentia, ergo nec valet ipsi absolutio à reservatis. Unde non est paritas cum eo, qui invalidè confessus est superiori, ut dictum est V. Absolvere, num. 28. Sed est etiam probabilis opinio contraria Comitolii lib. 1. quest. 30. n. 2. quia talis, præsentando se Confessario habenti ad id facultatem per Bullam, satisfecit legi Ecclesiasticæ reservationis, quamvis, quia non satisfecit legi divinæ Confessionis, teneatur iterum eadem peccata confiteri. Hanc opinionem tenent novissimè Trullench in Cruciat. lib. 1. §. 7. cap. 2. dub. 3. num. 9. & Ochagavia de Sacram. tom. 2. q. 12. concl. 2. n. 5. p. 1. tract. 11. ref. 18. & in Addit. p. 3. ref. 16.

Sicut, si in  
Confessione  
valida omis  
sa sine ex  
absolutione.

36. Ut per Bullam absolvantur reservata, requirit Vasquez in 3. p. tom. 4. q. 91. art. 3. dub. 5. quod Confessarius habeat cognitionem illorum, vel saltem intentionem auferendi quamcumque reservationem: unde, si quis obliviscatur peccata reservata in Confessione, quamvis remaneat ab illis absolutus indirectè, teneri tamen, si non habet amplius Bullam, quando meminerit, legitimo superiori confiteri. Sed dicendum cū Coninch de Sacram. disp. 9. dub. 12. nu. 98. quod talis remanet liber ab onere reservationis, sicut diximus V. Absolvere n. 9. de eo,

qui sic confitetur superiori, part. 1. tr. 11. ref. 19. & p. 11. tr. 2. ref. 39.

37. Hæc facultate Bullæ absolventi à reservatis non possunt uti Regulares cum Confessariis extra Religionem. Apparet clarè ex mente S. D. N. Urbani VIII. in confirmatione Decreti Clem. VIII. Unde opinio Trullench in expl. Bull. lib. 1. §. 7. cap. 1. dub. 9. & aliorum affirmativa, non est amplius probabilis, part. 2. tr. 14. ref. 14. & p. 3. in Addit. ref. 9. An verò Regulares absolvi possint à reservatis cū Confessario sui Ordinis approbato? Affirmativè respondet Villalobos tom. 1. tr. 23. claus. 9. §. 2. n. 12. in terminis Constitut. Clem. VIII. citatque DD. Salmanticensis Academiæ. In terminis verò Constitut. Urbani negativè respondet Ludovicus de la Cruz in expl. Bull. disp. 1. c. 1. dub. 12. num. 2. & ita tenendum est. Nam in dicta Constitut. Summus Pontifex declarat, suæ mentis intentionem esse, quod Regulares, quoad absolutionem reservatorum, ordinariæ suorum Prælatorum dispositioni subiecti sint: Sed, quia dictus de la Cruz hanc sententiam veteriorem appellat, videtur contrariam, quam ipse asserit aliquos docere putare probabilem, part. 1. tr. 21. ref. 14. & p. 4. tr. 4. ref. 43. p. 6. tr. 6. ref. 10. §. Notandum.

Hoc privilegio uti possunt Regulares cum Confessariis extra ordinem.

Nec etiam proprii Ordinis.

#### BULLA CRUCIATÆ

Quoad censuras.

38. ¶ Er Bullam conceditur etiam absolutio censurarum, partis satisfactione præmissa. †

Absoluitur item per Bullam omnium censura. Et in articulo mortis sine onere comparandi.

39. Quæ quidem absolutio, si præbeatur in articulo mortis, non relinquatur onus comparandi, si æger convalescat. Nam absolutio cum tali onere præberi potest sine Bulla: & alioqui certum est, Bullam concedere aliquod privilegium pro illo articulo. Ita Mendoza volum. de fide disputat. 82. sect. 8. §. 135. p. 5. tract. 3. ref. 66.

40. Absolvi autem potest per Bullam excommunicatus nominatim, & publicus Clerici percussor, vel alius, cuius excommunicatio deducta est ad forum

Et in specie excommunicatio canonica, (si quis suadente.)

tum